

## Zudë -bha 'sëedhε 'ö- -kë

<sup>1</sup> Mang Zudë -mε 'a -kë yë -kë Yesu Klisi -dhε -mε 'ka, 'ö 'a -kë Zakö 'zlaa- 'ka bha ma =në 'a 'sëedhε ya- bɔ mε "pεpε 'ö ka -dhɔ -yö kwa Dë Atanna -kë, 'ö ka -dhε kö 'ka kë ö -bha mε 'ka, 'ö ka -maa kë sië Yesu Klisi -dhε bha ka -dhε.

<sup>2</sup> Kö- -bha mε -wëëga -sü bha waa- -bha zuëyagblüü-, waa- -bha -dhɔ bha -ya 'bha -da 'gü ka -dhε -kpεawo bha 'aa -yö kë!

<sup>3-4</sup> N "taɔngdë -nu, -yö gun n "piü 'nu =dhε 'a n 'gü dɔ "gbɪ- kö 'wɔn 'ö -gban kwa dha 'ö Yesu Klisi -ya wo bha- -bha bha 'a 'sëedhε bɔ ka -dhε yö =në- -wɔn 'gü. "Kεε 'yö 'wɔn 'dhε 'ö -gban "gblüyaamε -nu 'ö 'waa "suü Atanna -gɔ 'ö =wa -da kwa kpö 'gü bha- -nu -wɔn -bha bha 'ö dɔ n -gɔ 'ya- 'ö -ziö -a 'dhε 'kö bha- -ta. Kë "dhü kö 'a ka faan dɔ 'ko -zë 'mε 'wo bha- -nu 'ka -sü -bha 'dhang -bho Yesu "dhiü -sü 'ö "dhü doseng 'ö 'yaa =plε, 'ö Atanna -ya nu 'mε 'wo bɔ ö 'ka -a -nu -dhε bha- -wɔn 'gü. -A -gεn -mü =dhε 'mε 'wo bha -wo -da -sü 'ka kwa kpö 'gü 'ö 'kaa- 'wɔn dɔ. 'Mε 'wo bha -gasitε 'ö kwa Dë Atanna -ya -kë kwa -dhε bha- -wɔ bha =në wo -zë 'wo- sü 'yö 'wo- -kë 'wɔn "bhluubhlu kë- 'ka -wɔ 'ka, 'yö 'waa 'dhang bho kwa Dëmε Yesu Klisi 'ö "dhü doseng, 'ö kwa -gɔmε 'ka bha- "dhiü. "Kεε -a 'wɔn- kwa "yaan =dhε 'mε 'wo "dhü bha 'wɔn 'ö Atanna yöö- wɔ- -nu -ta =yaa- -bεn zë ö -wɔ 'sëedhε 'gü 'nu yi 'bha 'ka.

<sup>5</sup> A- 'wɔn -dɔ =dhε -kɔ 'ö kwa Dëmε -yö Izraεdhö -mε -nu dha- 'ka yi 'bha 'ka Ezitö -sε 'gü, "kεε 'yö -ya mü 'zü 'ö- gɔɔgbɪmε -nu 'ö 'wii 'dhang bho- "dhiü -a -nu zë

bha -yö ka "yaan "pεεpεdhö. "Kεε ka -zυ =në 'a- -bö sië -deewo. Kë "dhü kö ka -zυ 'ya 'dho bhö 'wön -nu bha -nu 'ka. <sup>6</sup> =Dhε Atanna -bha "kië -nu 'dhε 'ö -duε 'ö- nu -nu -dhε 'yii- -nu -zυ 'kun 'ö 'wo =kwa- -zü yi 'bha 'ka, 'ö 'wo wo bo wo -yεa 'ka bha Atanna -ya -nu -ya -sü 'ka -dhεtiidhε 'ö "sε =wlöö bha- 'gü, -ya -nu -kplü -sü 'ka löö" 'ka mü, -wo -dho 'to löö" bha- 'gü "dhü 'ö zun- 'ka Atanna -bha za dö -yi -bha. <sup>7</sup> Ka- 'wön -dö 'zü -dhε Sodömö waa- Gomö -dhε waa- 'pö- -nu 'wo gun -a -nu -züzü bha -wo kë- kë 'pö =dhε -kö 'ö Atanna -bha "kië -nu bha 'wo- -kë 'ka bha- 'dhö, 'ö 'wo wo -gö "kpa- bho -zua zë -sü -dhε, 'yö 'wön "bhluubhlu suu 'ö mε 'bha 'yii- suu kë do 'wo- -kë. "Kεε =dhε 'ö =waa- kë "dhü, Atanna kë 'wön bho- -nu 'gü 'ö pεng 'ö 'yaa "dhuu bha 'ö- -nu -bhö. Kë "dhü kö -yö kë mε -kpεa -bha 'wön suan- -bho -bha -pë 'ka kö -wo "suü Atanna -gö.

<sup>8</sup> "Kεε yö =në- =gban 'gü, 'wönmakoomε -nu bha wo -zë -wo -tosεa kë sië -kö do bha =në- 'gü, 'yö 'wo -zυ gön "yεεn -nu 'wo- bho bha- -dhε, 'yö 'wo =bhlëë bho wo -dü -bha -a 'ka, 'yö- -nu "yan 'dhö -ziö Atanna 'gü, 'yö 'wo "sü -nu =gban bho 'to bhö -pë -nu 'wo dhang- 'gü- -nu -gö. <sup>9</sup> "Kεε 'sa Atanna -bha "kië 'wo- Misεdhö -kë, 'ö- -bha "kië =gban -gömε 'ka bha, yöö -zian 'yii yö -zë suu kë. -A pö 'a- wo "dhü bha- 'klö -mü =dhε Misεdhö bha waa- Sotraan 'wo "dhinaa 'ö- ma Moizö =gee -ta yi 'bha 'ka kö -wa -ta za dö sië bha, 'yii =möö- -bha kö- -wυ -yö ziö- "dhiü -zianwo Sotraan -dhε =dhε mε -yö "si bho mε -gö. "Kεε -ya pö -dhε doseng =dhε: «Kwa Dëmε =në dho -a bho i 'gü!» <sup>10</sup> "Kεε wo -zë 'wön -zian 'ö 'waa- 'gü ma bha -wa -dhiang -zë "dhidhε yaa 'ka. -Wo wo -gö =gban wo -zυgöngüwön -nu bha =në- 'gü =dhε "bü wü -nu 'ö 'waa 'wön -ya 'klö -"dhiü bha- -nu 'dhö. "Kεε 'sa yö =në dho kë- -nu -göto bhawön 'ka. <sup>11</sup> -A -nu -bha -yö -wëësü. -A

-gɛn -mü =dɛ zian do 'ö Kaɛn -ya sü yi 'bha 'ka bha =në 'wo- sü bha. =Wa wo -gɔ -gban =flü kē -sü 'gü, kē "dhü kö 'wo =naɔ =slɔɔ =dɛ -kɔ 'ö Badhaamö -ya -kē 'ka yi 'bha 'ka -a 'dhö. -A -nu 'gü =ya see-, -a -gɛn -mü =dɛ =wa -ya -kɔɔ 'gü Atanna -gɔ =dɛ -kɔ 'ö Koodhe -ya -kē 'ka 'pö yi 'bha 'ka -a 'dhö.

<sup>12</sup> 'Mɛ 'wo bha -wo =dɛ ka -gɛn "dhiü -zuö -bha -gwë =në- 'dhö, kɛng- -nu ka -bha -dhië kē -sü 'ö dheebhang -dɛ 'gü Atanna -gɔ 'kɔɔdhö bha- 'gü. -A -gɛn -mü =dɛ -wa -bhö 'niiyaadhɛ -bha "gblüüdɛ "gbɛadhɛ -bha, -a 'yiü- 'yaa- -nu kē, -wo =dɛ dha 'ö -ziö "dhuu 'gü =në 'dhö, -wo =dɛ 'zü -dɛ "dhü 'ö "tɛɛ =yaa- bho "sɛɛ 'ö =ya ga, 'ö 'yaa =mɔɔ- -bha kö -yö bhɛ -ya 'zü aa" =ni kö- "tüng =ya =loo =në- 'dhö. <sup>13</sup> -Wo =dɛ 'zü -dɛ "yi 'ö =ya dunng bho =në- 'dhö, 'yö- -nu kēwɔn yaa -nu bha 'wo -wo "yɛa- =dɛ 'yi dunng -sü bha- "vuu 'ö -kē -ta bha- 'dhö. -Wo =dɛ 'zü -dɛ "susəng -nu 'wo zian -kan =sië dhang- -bha -dɛ -nu 'gü bha =në- 'dhö. -Dhɛtiidɛ 'ö -dɛ 'yaa yö- 'gü bha =në Atanna -ya -ya 'mɛ 'wo bha- -nu -gɔ -a -nu 'dho -dɛ 'ka. -Wo -dho 'to -dɛ bha =në- 'gü 'ö to "dhü "sɛ 'tuü- 'ka.

<sup>14</sup> 'Mɛ 'wo bha =në Enɔkö 'ö -kē 'mɛ 'wo dɔ Adan "piü -a -nu "saɔplɛ -naa 'ka bha -yö dhiang zë- -nu -bu 'gü Atanna -wɔ "dhiü =loo -sü 'ka yi 'bha 'ka 'ö- pö: «-Ka -dɛ -ga, kwa Dëmɛ -yö nu sië waa- ö -bha "kië "slüüslü -nu bha- "gblü -kaɔng dunng 'gbɛ 'dhö, <sup>15</sup> kö -yö za dɔ mɛ =gban "pɛpɛ -bha, kö 'mɛ 'wo "yan -ziö 'gü -wɔn -nu -kē -a 'ka bha -ya -nu dhɛɛ" 'kpɔ, kö 'mɛ 'wo -ya -gɔ -kaɔ 'gü 'ö 'wo gɔɔgbüdhɛ -dhiang -nu zë- -dɛ bha -ya -nu dhɛɛ" 'kpɔ 'pö. <sup>16</sup> 'Wɔnmakoomɛ -nu 'wo "dhü bha 'wɔn 'bha -wɔn 'bha 'yaa- -nu -zɔ 'kun, -wo -to -dɔn -bho wo yun 'gü -sü =në- -bha "dhü -kpɛawo, 'wɔn 'dɛ 'ö- -nu -gɔ 'gü =në 'wo- -kē, 'yö 'wo wo "dhiü -ziö -ta -dhiang -nu zë, -ya 'go mü 'yö 'wo -wɔ "nɛɛnɛɛ -nu pö mɛ -nu -dɛ, kē

"dhü kö 'wo- -nu -ta -bhö.

<sup>17</sup> "ΚΕΕ ka -zë, n -sëmε -nu, ka -zυ 'ya 'dho bhο 'pë 'ö kwa Dëmε Yesu Klisi -bha bömε -nu -wa pö ka -dhε yi 'bha 'ka bha- 'ka. <sup>18</sup> -Wo kë- -pö ka -dhε =dhε: «"Κρϋngtaadhε "dhiü 'to "tüng 'dhö -wo sië, "γυ -to ka -bha -mε -nu -dho 'sο-, 'ö 'wo "yan -ziö 'gü dο Atanna -bha, 'ö- -nu -bha 'ö -dhi -nu -dhε =në 'wo- -kë.» <sup>19</sup> 'Mε 'wo "dhü bha =në 'wo nu 'gügblüdhe 'ka, Atanna -bha 'Nii- 'yaa- -nu 'gü. -A -nu -dhidhεwον =në- -kο =ya ziö- -nu -gο. <sup>20</sup> "ΚΕΕ ka -zë, n "taongdë -nu, ka -bha -zυ -yö Atanna -dhε -sü "slüüslü 'ö pö 'aa- -bha bha, -kaa 'kun "gbυ-, -a -da 'gü =në -kaa -da kö 'ka 'dho- 'ka "dhiü, kö 'ka bhεa" Atanna -dhε -a -bha 'Nii- "slüüslü bha- -bha 'gügblüdhe 'ka. <sup>21</sup> Kö 'ka 'to -kplü -sü 'ka- -bha -dhο bha- -bha kö -yö 'to- 'ka "dhü -yö zun- 'ka yi 'ö kwa Dëmε Yesu Klisi dho kwa -wëë -ga 'ka 'ö kwa gba =sii 'ö 'yaa yën- 'ka bha- -bha.

<sup>22</sup> 'Mε 'wo -tun dο -sü 'ka 'kën 'gü Yesu Klisi -wον 'gü bha -kaa -nu -wëë -ga <sup>23</sup> kö 'ka- -nu -ta 'kun kö -wo dha pεng -gο. Mε -κρεα 'wo 'dhö -a -nu -wëë -yö ka kë, "κΕΕ -yö ka kë "suü 'ka, -a -gεn -mü =dhε bian -ya -nu -bha 'ö- -nu -bha -sο -nu =gban -bha. 'Ka- kë -së kö ka -kο 'ya 'dho -da -a 'bha 'gü.

<sup>24-25</sup> Atanna 'ö "dhü 'ö doseng, 'ö kwa dha kwa Dëmε Yesu Klisi 'saa- 'gü bha =në- 'tο -yö bhο, -a -gεn -mü =dhε yö =në 'kpii-, yö =në "st 'dhö- -dhε, -kο -mοο 'wον -bha -sü -yö -gun -gο yi 'bha 'ka, 'ö -tun -gο =dεε, 'ö dho 'to- -gο -todhü 'ka. -A pö 'a- wo "dhü bha- 'klοο- -mü =dhε yö =në- -kο dho =mοο- -bha kö -yö ka -maa kë kö ka -gεn "dhiü 'ya 'dho -zuö 'ö 'ka -pö -bha zian bha- -ta 'ö to- 'ka "dhü 'ö zun- 'ka yi 'ka dho -da 'ka -a -bha -gblüeddhεkëdhε 'gü, kö pö 'aa ka -bha, "κΕΕ =niidadhe -ziisü ka bha- -bha. Kö- 'tο -yö bhο "dhü tεan- 'ka bha 'aa -yö kë!

NA᠎ -SĚ 'SĚĚDHĚ  
Dan: NA᠎ -SĚ 'SĚĚDHĚ New Testament  
Dan Nouveau Testament

copyright © 1991 Wycliffe Bible Translators, Inc.

Language: Dan

Dialect: Eastern

Contributor: Wycliffe Bible Translators, Inc.

All rights reserved.

2021-07-12

---

PDF generated using Haiola and XeLaTeX on 14 Jun 2022 from source files dated 30 Nov 2021

b0d5029a-c700-5b99-a67b-bae5c5f3b14c